

Zbirka medijskih objava

VladaBrckoDistrikta_kliping_dnevno,
za razdoblje 16. 10. 2022

Broj objava: 7

Internet: 5

Televizija: 2

Teme praćenja:

Vlada Brčko Distrikta: 1

Gradonačelnik: 0

Skupština Brčko: 0

Brčko: 7

Vlada Brčko Distrikta:

Internet	Naslov	Gradonačelnik bh. Distrikta Esed Kadrić o računima za utrošenu struju		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 15. 10. 2022		
	Autor	Unknown		
	Teme	Vlada Brčko Distrikta , Brčko		

Brčko:

Internet	Naslov	Uživo / Široki Brijeg - Željezničar od 19 sati: Poznati sastavi, Plavi u problemima na desnoj strani		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 15. 10. 2022		
	Autor	K. H.		
	Teme	Brčko		

Internet	Naslov	Gradonačelnik bh. Distrikta Esed Kadrić o računima za utrošenu struju		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 15. 10. 2022		
	Autor	Unknown		
	Teme	Vlada Brčko Distrikta , Brčko		

Internet	Naslov	Udruženje dijabetičara Brčko distrikta Bosne i Hercegovine u ponedjeljak će obilježiti Svjetski dan hrane		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 15. 10. 2022		
	Autor	Unknown		
	Teme	Brčko		

Televizija	Naslov	Počeo popis poljoprivrede		
Serijski br. 4	Medij; Doseg	O kanal; , Bosna i Hercegovina	18:25	Trajanje: 1 min
	Rubrika, Datum	O Dnevnik; 15. 10. 2022		
	Autor	Unknown		
	Teme	Brčko		

Televizija	Naslov	Sa područja Brčkog uklonjeni bilbordi sa porukom "Samostalnost"		
Serijski br. 5	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 3 min
	Rubrika, Datum	Dnevnik; 15. 10. 2022		
	Autor	Dijana Vrhovac		
	Teme	Brčko		

Internet	Naslov	SPREMNI SMO I ZA OVOGODIŠNJA TEATARSKA SUSRETNJA		
Serijski br. 6	Medij; Doseg	Infobrcko.com; , Bosna i Hercegovina		
	Rubrika, Datum	Ostalo; 16. 10. 2022		
	Autor	Unknown		
	Teme	Brčko		

Internet	Naslov	Bosnu i Hercegovinu godišnje napusti 18.200 osoba, u čije je obrazovanje uloženo oko 500 miliona eura		
Serijski br. 7	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 16. 10. 2022		
	Autor	Unknown		
	Teme	Brčko		



Uživo / Široki Brijeg - Željezničar 0:0: Domaći tim propustio prvu šansu, sjajna atmosfera na Pecari

K. H.

5





41 minut



Nogometaši Širokog Brijega i Željezničara na stadionu Pecara igraju duel 14. kola Premijer lige BiH, a tekstualni prijenos ovog derbi susreta možete pratiti na portalu Klix.ba.

9' - Odlično se igra na početku meča, intenzivno s obje strane.

6' - Imao je Željezničar dvije odlične situacije sada u kaznenom prostoru Širokog, prvi put je pao Santos, a nakon toga i Beća koji je tražio penal, no sudija se nije oglasio. Mogli su Plavi doći u vodstvo u ovoj situaciji, imali su puno prostora u napadu.

4' - Šansa za Široki Brijeg! Bagarić je lagano pobjegao Kosoriću koji igra na poziciji desnog beka, još lakše ga se oslobodio i šutirao, ali Bender dobro brani, nakon čega je Cocalić izbio loptu.

1' - Meč je počeo. S centra su krenuli domaći nogometaši.

18:58 - Domaći navijači uz koreografiju, bakljadu i vatromet van stadiona napravili su sjajnu atmosferu uoči početka utakmice.

18:52 - U prvom današnjem duelu Igman je kao gost pobijedio Tuzla City rezultatom 3:2. U petak su odigrana dva susreta, Borac je kao domaćin bio bolji od Posušja sa 2:1, kao i Sloga protiv Sarajeva s minimalnih 1:0.

18:52 - Posljednji meč ovih timova na Pecari je završen bez pogodaka, a 2020. godine Željezničar je pobijedio rezultatom 1:0. Posljednju ligašku pobjedu protiv gostiju iz Sarajeva, Široki je ostvario 2018. godine kada su bili bolji rezultatom 3:1. Od tada, Željo je na četiri uzastopna meča bez poraza na Pecari.

18:50 - Navijači Željezničara polako pristižu na stadion Pecara, a očekuje se da će Plavi imati podršku 300-tinjak navijača.

Navijači Željezničara također pristižu na stadion Pecara (Foto: Klix.ba)

18:45 - Derbi susret između Širokog Brijega i Željezničara sudit će Dragan Petrović iz Banje Luke uz asistenciju Damira Lazića iz Brčkog i Sretena Udovičića iz Prijedora.

18:40 - Plavi su u posljednjem kolu poraženi od Zrinjskog, no žele se vratiti na pobjednički kolosijek, a večeras će na Pecari to pokušati uraditi uz veliku pomoć navijača koji će im pružiti podršku s tribina Pecare.

18:35 - Široki Brijeg je dugo držao prvu poziciju na tabeli dok ga nije ove sedmice prestigao Zrinjski, a Željezničar se nalazi na četvrtom mjestu sa samo tri boda manje od ekipe s Pecare.

Na domaćem terenu, Široki je odigrao šest mečeva i ostvario pet pobjeda i jedan remi s Veležom, dok je Željezničar u gostima odigrao šest mečeva te ostvario tri pobjede, jedan remi i dva poraza, što ih trenutno čini najboljom gostujućom ekipom s deset osvojenih bodova "na strani".

18:30 Početni sastavi i igrači na klupi:

Široki Brijeg današnji meč počinje u sastavu: Josipović, Valinčić, Mašić, Vukoja, Bagarić, Lukić, Pejić, Lovrić, Čavar, Kuprešćak i Souza.

"- □□' | Dvadeset hrabrih momaka za derbi. □
□□□□ #samoŠiroki #nksirokibrijeg
#samojednoimeširoki #mtel #plbih"

Posted by [NK Široki Brijeg](#) on [Saturday, October 15, 2022](#)

Na klupi su: Tomić, Pranjić, Medić, Radić, Kpan, Šuto, Knežević, Musa i Rozić.

Željezničar današnji meč počinje u sastavu: Bender, Kosorić, Cocalić, Drina, Malić, Hajdarević, Beća, Štilić, Amoah, Santos i Beganović.

S tim, jasno je da Željezničar današnji meč počinje bez klasičnog desnog beka i da će na toj poziciji igrati Kosorić ili Drina.

"Željinih 11 za Široki. Sretno! □□ "

Posted by [FK Željezničar](#) on [Saturday, October 15, 2022](#)

Na klupi su: Muftić, Subašić, Mekić, Haračić, Bekrić, Pašić, Vego, Mućaj i Križevac.

18:30 - Poštovani čitatelji portala Klix.ba, dobro došli na tekstualni prijenos utakmice 14. kola nogometne m:tel Premijer lige BiH između Širokog Brijega i Željezničara. Meč se igra na stadionu Pecara s početkom u 19 sati.

Znate nešto više o temi ili želite prijaviti grešku u tekstu?

FK Željezničar

Premijer liga BiH

NK Široki Brijeg

PRIKAŽI SVE KOMENTARE (5)

Vezani članci



14. KOLO

"Nogometna ljepotica" u Premijer ligi BiH, Igman kao gost srušio Tuzla City

PREMIJER LIGA BIH

Željezničar gostuje u Širokom Brijegu, Tuzla City dočekuje Igman

KATASTROFALNI REZULTATI

Sarajevo nastavilo s rasprodajom ugleda, navijači podjednako kivni na Dudića i igrače

[Početna](#)[Impressum](#)[Komentari](#)[Kontakt](#)[Marketing](#)[O nama](#)[Privatnost](#)[RSS](#)

Consent choices

otisak.ba



Gradonačelnik bh. Distrikta Esed Kadrić o računima za utrošenu struju

„Građanima pristižu umanjeni računi za utrošak električne energije. Vlada Brčko distrikta BiH je za ove namjene odobrila sredstva u iznosu od 1.605.000 KM.

Ova odluka je donesena uslijed pogoršanja ekonomske situacije građana Distrikta prouzrokovane inflacijom i energetske krizama.

Dodijeljena sredstva građanima realizirana su kao donacije za utrošenu električnu energiju u pojedinačnom iznosu od 53,52 KM.

Pravo na ovu vrstu donacije ostvarili su svi aktivni potrošači iz kategorije domaćinstava, pod uslovima da je nosilac električnog brojala imao aktivnu potrošnju u periodu od 01.01. – 31.05. tekuće godine.

U skladu sa tim pravo na donaciju je ostvarilo 29.987 aktivnih potrošača.

Iz ovog prava bile su izuzete osobe koje imaju status izabranog zvaničnika, nosioca izvršnih funkcija ili savjetnika u institucijama Brčko distrikta BiH, rukovodioca javnog preduzeća ili drugog pravnog lica koje je osnovao Brčko distrikt BiH, kao i imenovani nosioci pravosudnih institucija“, navedeno je na zvaničnoj Facebook stranici Gradonačelnika Brčko distrikta Bosne i Hercegovine Eseda Kadrića.

Otisak.ba



SVJETSKI DAN HRANE

 **PLATO ISPRED PROSTORIJA
UDRUŽENJA DIJABETIČARA**
(Ul. R. Dž. Čauševića 30 - Kolobara)

10 - 13 H

- BESPLATNO MJERENJE ŠEĆERA U KRVI
- BESPLATNO MJERENJE PRITISKA

13H

**RADIONICA
"ISHRANOM DO ZDRAVLJA,
ZADOVOLJSTVA I
DUGOVJEČNOSTI"**

**17
OKT**

WWW.DIJABETICARIBRCKO.COM
DIJABET@TEOL.NET





Udruženje dijabetičara **Brčko** distrikta Bosne i Hercegovine u ponedjeljak će obilježiti Svjetski dan hrane

Svjetski dan hrane jedan je od najvažnijih datuma u Kalendaru javnog zdravlja. Obilježava se od 1981. godine, u preko 150 zemalja svijeta. Za datum njegovog obilježavanja, 16. oktobar, simbolično je uzet dan kada je davne 1945. godine osnovana Svjetska organizacija za hranu i poljoprivredu (Food and Agriculture Organisation – FAO).

Kampanja povodom obilježavanja ovogodišnjeg Svjetskog dana hrane ukazuje na činjenicu da se sve nagomilane globalne nedaće neminovno prelivaju na pitanje dostupnosti i bezbednosti hrane, a to je pitanje koje pogađa planetu u cjelini, ali i svakog pojedinca na njoj. S tim u vezi, ovogodišnja globalna kampanja ima za cilj da podstakne osjećaj lične i kolektivne odgovornosti, da probudi solidarnost i aktivizam, kako u svakom od nas ponaosob, tako na nivou zajednica i društva u celini.

Svjetski dan hrane ćemo obilježiti besplatnim preventivnim pregledima (mjerjenje šećera u krvi, mjerjenje krvog pritiska, određivanjem BMI) uz stručne savjete i edukativni materijal za sve građane **Brčko** distrikta koje će trajati u period od 10 do 13 časova.

Pored preventivnih pregleda, pripremili smo radionicu “Isхранom do zdravlja, zadovoljstva I dugovječnosti” za sve građane distrikta sa početkom u 13 časova.

Lokacija održavanja: **Plato ispred prostorija i prostorije udruženja dijabetičara **Brčko**, ulica R.Dž.Čauševića 30, naselje Kolobara**


Početak događaja: **10 sati.**

Otisak.ba

Počeo popis poljoprivrede



Sa područja **Brčkog** uklonjeni bilbordi sa porukom "Samostalnost"



SPREMNI SMO I ZA OVOGODIŠNJA TEATARSKA SUSRETANJA



Živimo u "MODERNOM DOBU!" Značenje sintagme je polisemantično i s različitih aspekata različito se tumači. Hiper informacijsko okruženje čovjeka suvremenoga doba glavna je odlika njegove svakodnevice. Taj čovjek se kreće, spotiče, sumnja i opet se uspravlja u svojim shvaćanjima o onome što ga okružuje. Opkoljen je taj isti čovjek informacijom serviranom putem medija, umjetnosti, politike, kulture i socijalno-društvenog sustava uopće. Nerijetko zbunjen, katkad i ne može racionalno razgraničiti "istinu" jer se njena konotacija očitava u riječi Drugog, njegovoj percepciji iluzije, sna i zbilje. Zbunjen taj i takav čovjek polazi i od osobnog razmišljanja suprotstavljajući se ljudima, koji nemaju vremena jer se uvijek negdje žure. Pod imperativom termina i obveza naprosto postaje prefiks moranju. Identitet se suprotstavio ideologiji, a ideologija je nametnuti obrazac društvenog sustava koja ne pozdravlja individualitet, njegujući kolektivnu i svijest mase, a ne oportunizma. Tu negdje zaglibio je čovjek, pojedinac, neprestano se pitajući o kakvoj bolesti je riječ. Potječe li društveno oboljenje od pojedinca ili je zametnuta bolest u kolektivnoj primjesi nemorala, skupini pojedinaca koji misle i djeluju identično zaigrani u tom omadžijanom krugu ponavljanja povijesti, samo pod drugim imenom?! Teatar je morao progovoriti o ovim dilemama, uhvatiti se u koštac preludija i igre mačke i miša, pojedinca i kolektiva, neprestano dramaturški postavljajući ispred kulisa obrambeni mehanizam i odgovor homosapiensa "Evo me, tu sam" sa svim svojim strahovima i pobjedama. Radnja predstava na ovogodišnjem Festivalu projicira pred optiku čitatelja čitav niz dilema o psihologiji suvremenog doba, o čovjeku kao subjektu te dramske igre, koji će se nasmejati i zaplakati, zapljeskati ili negativno uzvratiti tragikomičnoj rutini našega prezenta. Taj čovjek svjestan je umebesne brzine noći i dana u kojima obitava, ali i otuđenja od bližnjih pa i samog sebe; svjestan je materijalizacije životnih nazora i neprikrivenosti želje za njihovom racionalizacijom. Teatarska susretanja u Brčko distriktu BiH 2022. godine pokušat će odgovoriti na pitanje je li već kasno izumiti novi lijek za suvremeno društvo.

Cijenjena publiko, vjerujem da će selektorski odabir svih predstava koje će biti postavljene na pozornici Doma kulture Brčko distrikta BiH narednih devet dana konotirati s vašim očekivanjima! Podjednako vjerujem da će svatko nešto za sebe pronaći i

kada je prateći program u pitanju kroz ruho unjetničkih izložbi i promocija dramskih djela, kao i predstava za najmlađu publiku.

Jakov Amidžić, direktor Susreta i glavni i odgovorni urednik Biltena



Bosnu i Hercegovinu godišnje napusti 18.200 osoba, u čije je obrazovanje uloženo oko 500 miliona eura

Prema navedenoj studiji, troškovi školovanja državljanina BiH koje se završilo 2018. godine, kumulativno posmatrano, stajalo je oko 13.000 eura za osnovnu školu, 20.200 za srednju školu i oko 29.000 eura za završene akademske studije

Samo na obrazovanju onih koji napuste Bosnu i Hercegovinu država izgubi od 410 do 500 miliona eura godišnje. Prosječan godišnji neto odljev stanovništva iz ove zemlje, prema OECD-ovim podacima, iznosi oko 18.200 osoba, piše Večernji list BiH.

Ako uzmemo podatke o troškovima obrazovanja u ovoj zemlji do kojih su došli u studiji koju je proveo Institut za razvoj i inovacije – think tank iz Srbije, uz podršku Westminster fondacije za demokraciju (WFD), i pomnožimo ih brojem onih koji su napustili ovu državu, dolazi se do navedenih enormnih rezultata.

Ne gubi BiH samo na odlasku visokoškoloovanih osoba, naprotiv, stotine odnosno hiljade eura odlaze s onima koji su završili srednju školu. Prema navedenoj studiji, troškovi školovanja državljanina BiH koje se završilo 2018. godine, kumulativno posmatrano, stajalo je oko 13.000 eura za osnovnu školu, 20.200 za srednju školu i oko 29.000 eura za završene akademske studije. Za osobu koja je završila doktorski odnosno poslijediplomski studij tokom obrazovanja trebalo je izdvojiti oko 43.000 eura.

Posmatrano po entitetima, pokazalo se da su u RS i Federaciji BiH troškovi obrazovanja na svim razinama obrazovanja bliski prosjeku države u cjelini, dok su u Distriktu **Brčko** ti troškovi znatno iznad prosjeka. Taj rezultat prvenstveno je posljedica činjenice da je prosječna plata u sektoru obrazovanja u Distriktu **Brčko** veća nego u entitetima.

Na gubitke države zbog odlaska visokoobrazovanih osoba prije izvjesnog vremena upozorio je i prof. dr. Milomir Ninković, šef Klinike za plastičnu rekonstruktivnu hirurgiju i hirurgiju šake pri Centru za opekotine u bolnici Bogenhausen, München (Njemačka), predsjednik Evropske asocijacije plastičnih hirurga (EURAPS). Ovaj rođeni Sarajlija, koji gotovo trideset

godina živi i radi u Austriji i Njemačkoj, ističe kako je velika nesreća što mladi ljudi odlaze u inozemstvo nakon što se u njihovu edukaciju ovdje uložilo ogromna sredstva, ističući da zemlja u koju dolaze time dobiva jako mnogo.

Uzimajući za primjer sebe, objasnio je kako ni Austrija, u kojoj je radio, ni Njemačka, u kojoj radi, u njegovu edukaciju nisu uložile ništa.

Došli smo kao vrhunski specijalisti, donijeli novo znanje, unaprijedili znanje u njihovim institucijama, razvijali se dalje i educirali nove kadrove – kazao je dr. Ninković, ističući kako na to treba staviti naglasak jer je konstantno percepcija da te zemlje nama nešto pomažu, ne uzimajući u obzir da smo mi njima jako mnogo pomogli i uštedjeli.

Naime, prema podacima Eurostata za 2015. godinu, godišnje izdvajanje države i kućanstava za obrazovne usluge srednjoškolske razine iznosilo je po učeniku u Francuskoj blizu 11 hiljada eura, Njemačkoj 10,5 hiljada eura, dok je u BiH utrošeno nešto ispod 1,5 hiljada eura.

Raspon je još izraženiji kod akademskog obrazovanja, pa tako u odnosu na izdvajanje u BiH od 1851 euro po studentu godišnje, Velika Britanija troši gotovo 12 puta više, Švedska devet, Austrija, Francuska i Njemačka oko sedam puta više. Inače, prema podacima popisa iz 1991. godine, BiH je imala oko 4,380.000 stanovnika, dok je, prema popisu iz 2013., taj broj pao na gotovo 3,530.000, što je oko 850.000 osoba, odnosno gotovo 20 posto manje.

Međutim, neka druga istraživanja, poput ankete o radnoj snazi, pokazuju još dramatičniji pad. Primjerice, prema podacima ove ankete provedene 2013. godine, BiH je imala 3,050.000 stanovnika, a prema podacima ankete o radnoj snazi iz 2018. godine, procjenjuje se da je broj stanovnika u BiH 2017. godine bio manji za dodatnih 316 hiljada i iznosio je 2,734.000. Službena statistika o migracijama, koju provodi Agencija za statistiku BiH u saradnji s entitetskim zavodima (Federalnim zavodom za statistiku i Republičkim zavodom za statistiku Republike Srpske), prati samo unutarnje migracije i doseljavanja iz inostranstva, a ne i preseljavanja u inostranstvo, tako da ova institucija ne nudi podatke o migracijama iz Bosne i Hercegovine.

Ipak, Ministarstvo za ljudska prava i izbjeglice BiH, u okviru svoje nadležnosti za iseljništvo, prikuplja podatke o bosanskohercegovačkoj emigraciji, na osnovi kojih izrađuje godišnje izvješće o stanju emigracije iz BiH. Prema ovom izvješću za 2018. godinu, procjena ukupnog broja osoba koje žive u iseljništvu, a koje vode porijeklo iz BiH, iznosi najmanje dva miliona (dok ukupan broj prve generacije emigranata iz BiH, odnosno onih koji su rođeni u BiH, a žive izvan njezinih granica, iznosi oko 1,691.350), što čini oko 56 posto ukupnog stanovništva BiH prema popisu iz 2013. godine.

Otisak.ba